

LOS. Library of Sculpture

Exposiziun en la Biblioteca chantunala dal Grischun

■ (cp) **Sut il titel «Library of Sculpture» sa zuppa in project artistic spezial da l'artist Vaclav Pozarek che viva a Berna. I dat duas exposiziuns davart quest tema:** En il Museum d'art dal Grischun a Cuira endrizza Pozarek ina vasta biblioteca (dals 18 da favrer fin ils 6 da matg 2012). El construescha las mobiglias, mussa cudeschs e fotografias da sia collecziun sco er models e dissegns d'ina instituziun imagi-

nara ch'è deditgada dal tuttafatg a la sculptura.

La segunda exposiziun sa chatta en la Biblioteca chantunala dal Grischun. Ils exponats infurmeschan tranter auter davart las ragischs artisticas da Pozarek e mussan la relaziun tut speziala da Pozarek visavi l'artist cun il cudesch. Questa exposiziun po vegnir visitada fin ils 15 da zercladur durant las uras d'avertura da la biblioteca chantunala.

Las duas exposiziuns vegnan accumpagnadas d'ina retscha da referats.

La retscha cumenza cun il referat da *Jan-Andrea Bernhard* proxima gievgia, ils 8 da mars a las 19.00 en il Museum d'art dal Grischun davart il tema «Bibliotecas en chasas patrizianas dal Grischun: med da represchentaziun da l'aristocrazia u med da lavur da scienziads?».